

ii- الإِدْغَامُ Al-idghaam – Kuingiza, kuchanganya.

Idghaam ni kuingiza kitu kwenye kitu.

Katika hukmu za Tajwiyd ni kuingiza herufi saakin kwenye herufi yenye *i'raab* na kuzipelekea herufi mbili hizi kuwa herufi moja ya pili nzito. Na hutokea pale nuwn saakinah au tanwiyn inapofuatiwa na moja ya herufi sita za idghaam ي ر م ل ن و ambazo zinakusanyika katika ibara ya يَرْمُلُونَ

Sharti ya Idghaam:

Idghaam haiwezekani ikawa katika neno moja bali ni lazima nuwn saakinah au tanwiyn iweko mwisho wa neno la kwanza, na herufi inayoingizwa hiyo nuwn saakinah au tanwiyn مُدْغَمًا فِيهِ (*mudghaman-fiyhi*) iweko mwanzo wa neno linalofuatia.

Ama inapokuweco nuwn saakinah katika neno moja na kufuatiliwa na herufi yoyote katika herufi za idghaam, hukmu ya idghaam hutoweka na kinachotakikana ni idhwhaar (kuidhihirisha nuwn saakinah); na hii inaitwa إِظْهَارٌ مُطْلَقٌ (Idhwhaar Mutwlaq - Idhwhaar halisi.) Na katika Qur-aan kuna maneno manne tu ambayo nuwn saakinah iliyoko katika neno moja, imekutana na herufi mbili miongoni mwa herufi za idghaam. Herufi zenyewe ni و ي . Hivyo ni wajibu kuidhihirisha nuwn saakinah kwani kuleta idghaam pahala kama hapo ni kulibadilisha na kulipotosha neno na maana yake.¹ Maneno manne hayo ni kama ifuatavyo:

¹ Sababu ya kuweco إِظْهَارٌ مُطْلَقٌ ni kuhakikisha kwamba maana ya neno haibadiliki, kwani itakapoletwa hukmu ya idghaam itabadilisha maana na pia itasomeka ifuatavyo na kutokufahamika:

دِيَاً قَوَانُ صَوَانُ بِيَانُ

Suwhrah/ Aayah	Aayah	Neno
Al-'Imraan (3: 185)	وَمَا الْحَيَاةُ الدُّنْيَا إِلَّا مَتَاعُ الْغُرُورِ	الدُّنْيَا ² 2
Al-An'aam (6 :99)	وَمِنَ النَّخْلِ مِنَ طَلْعِهَا قِنْوَانٌ دَانِيَةٌ	قِنْوَانٌ ³ 3
Ar-Ra'd (13 : 4)	وَفِي الْأَرْضِ قِطْعٌ مُتَجَبَّرَاتٌ وَجَنَّاتٌ مِّنْ أَعْنَابٍ وَزَّرَعٌ وَنَخِيلٌ صِنَوَانٌ وَغَيْرُ صِنَوَانٍ يُسْقَى بِمَاءٍ وَاحِدٍ وَنُفِضِلُ بَعْضَهَا عَلَىٰ بَعْضٍ فِي الْأَكْلِ إِنَّ فِي ذَٰلِكَ لَآيَاتٍ لِّقَوْمٍ يَعْقِلُونَ ﴿٤﴾	صِنَوَانٌ ⁴ صِنَوَانٍ ⁴ 4
As-Swaff (61 : 4)	يُقَاتِلُونَ فِي سَبِيلِهِ ۚ صَفًّا كَأَنَّهُمْ بُنِينَ مَّرْصُومٌ	بُنِينَ ⁵ 5

Tanbihi:

Katika kuzisoma Aayah mbili za mwanzo za Suwrat Yaasiyn na Suwratul-Qalam, pale mtu anapopenda kuziunganisha Aayah hizo mbili, haipasi kuzipa hukmu ya idghaam japokuwa ن zinazotamkwa kwa sukuwn zinafuatiliwa na herufi ya و ambayo ni miongoni mwa herufi za idghaam,

²Imekariri mara nyingi katika Qur-aan

³Pekee katika Qur-aan

⁴Imekariri mara mbili katika Qur-aan kwenye Aayah hiyo moja.

⁵Imekariri pia: (At-Tawbah 9: 109, 110), (An-Nahl 16: 26), (Al-Kahf 18: 21), (Asw-Swaffaat 37: 97)

kwa sababu kutokana na Hafsw 'An 'Aaswim *twariyq Shatwabiyyah* inakuwa ni waajib kuifanya idhwhaar:

يس وَالْقُرْآنِ الْحَكِيمِ ﴿٦﴾

Isomwe: **يَاسِينَ وَالْقُرْآنِ الْحَكِيمِ** ((*Yaasiyn wal-Qur-aamil-Hakiym*) kwa kuidhihirisha ن katika **يَاسِينَ** bila ya ghunnah.

ن وَالْقَلَمِ وَمَا يَسْطُرُونَ ﴿٧﴾

Isomwe: **نُونُ وَالْقَلَمِ وَمَا يَسْطُرُونَ** ((*Nuwn wal-qalami wa maa yastwurun*)) wa kuidhihirisha ن katika **نُونُ** bila ya ghunnah.

Aina za idghaam ni kama ifuatavyo:

- **إِدْغَامُ بَغْنَةٍ Idghaamu bighunnah**

Idghaam bighunnah ni kuingiza nuwn saakinah au tanwiyn kwenye herufi za **ي ن م و** pamoja na kuleta ghunnah inayotokea puani. Hukmu hii hutokea pale nuwn saakinah au tanwiyn inapofuatiwa na moja ya herufi hizo nne za idghaam bighunnaah nazo zimekusanywa katika ibara ya: **يَنْمُو** .

⁶Yaasiyn (36 : 1-2)

⁷Al-Qalam (68 : 1-2)

Mifano Ya إِدْغَامُ بَعْثَةٍ -Idghaamu bighunnah

Tanwiyn		Nuwn saakinah		Herufi
Inavyotamkwa	Mfano	Inavyotamkwa	Mfano	
wujuwhuy- yawmaidhin	وَجُوهٌ يَوْمَئِذٍ	iy-yaquwluwna	إِنْ يَقُولُونَ	ي
yawmaidhiy- yuwaffiyhimu	يَوْمَئِذٍ يُوفِّيهِمْ	wa may-ya'mal	وَمَنْ يَعْمَلْ	
rizqannahnu	رِزْقًا حَسَنًا	wa mannu- ámmirhu	وَمَنْ نُعَمِّرْهُ	ن
malikannuqaatil	مَلَكَاتٍ يُفْتَلْنَ	minni'matin	مِنْ نِعْمَةٍ	
swiraatwammusta qiymaa	صِرَاطًا مُسْتَقِيمًا	mimmaaaaaain	مِنْ مَاءٍ	م
maaimmahiyin	مَاءٍ مَّهِينٍ	mimmasad	مِنْ مَسَدٍ	
Rahymuw- Waduudu	رَحِيمٌ وَدُودٌ	miw-waaqin	مِنْ وَاقٍ	و
waliyyiw-walaa	وَلِيٍّ وَلَا	miw-waliyyin	مِنْ وَلِيٍّ	

- إِدْغَامُ بَغَيْرِ عُنَّةٍ Idghaamu bighayri ghunnah

إِدْغَامُ بَغَيْرِ عُنَّةٍ (Idghaamu bighayri ghunnah) ni kuitia na kuichanganya nuwn saakinah au tanwiyn katika herufi za ر ل bila ya kuleta ghunnah inayotokea puani.

Mifano ya إِدْغَامُ بَغَيْرِ عُنَّةٍ (Idghaamu bighayri ghunnah)

Tanwiyn		Nuwn saakinah		Herufi
Inavyotamkwa	Mifano	Inavyotamkwa	Mifano	
la-RauwufuRrahiym	لَرَّءُوفٌ رَّحِيمٌ	mirrabihim	مِنْ رَبِّهِمْ	ر
thamaratirrizqan	ثَمَرَةٌ رَزَقًا	mirrizqin	مِنْ رَزْقٍ	
hudalimuttaqiyna	هُدًى لِّلْمُتَّقِينَ	walaakillaa	وَلَيْكِن لَّا	ل
qasamulidhiy	قَسَمٌ لِّذِي	milladun	مِنْ لَدُنْ	

Kisha katika aina mbili hizo za idghaam, zinagawanyika kwa kuwa ziko zilizo kamilifu; إِدْغَامُ كَامِلٍ (Idghaamu kaamil) na zilizopunguka; إِدْغَامُ نَاقِصٍ (Idghaamu naaqisw)

إِدْغَامُ كَامِلٍ - Idghaamu Kaamil (Iliyokamilika) ambayo inaweza kuwa ni bighunnah au bighayri ghunnah. Herufi zake ni nne nazo zimekusanyika katika neno نرمل .

إِدْغَامُ كَامِلٍ بِغُنَّةٍ Idghaamu Kaamil Bighunnah- Hukmu hii hutokea pale nuwn saakinah au tanwiyn inapokutana na herufi za ن na م ikaingia yote katika herufi ya pili bila kubakisha chochote katika nuwn ndio maana ikawa kaamil na hivyo basi husababisha shaddah. Ghunnah inayopatikana kutokana na hizi herufi mbili ni kwa ajili ya hizo ن na م *mushaddad* zina swiffah ya ghunnah ya asili.

إِدْغَامُ كَامِلٍ بِغَيْرِ غُنَّةٍ Idghaamu Kaamil Bighayri Ghunnah : Hukmu hii hutokea pale nuwn saakinah au tanwiyn inapokutana na herufi za ر ل na ikaingia yote katika herufi ya pili inayofuatia bila ya kubakisha chochote katika nuwn ndio maana ikawa kaamil na hivyo basi husababisha shaddah lakini hapa ghunnah haithibiti.

Alama za إِدْغَامُ كَامِلٍ (Idghaamu Kaamil) katika nuwn saakinah ni kuondoshwa sukuwn katika nuwn na kuipa shaddah herufi inayofuatia. Alama ya إِدْغَامُ كَامِلٍ (Idghaamu Kaamil) katika tanwiyn ni kufuatana *i'raab* mbili moja chini ya mwenziwe kwa upande kidogo na kuipa shaddah herufi inayofuatia⁸

⁸ Alama hizi katika Msahafu ni vile tanwiyn zinavyokaa moja chini ya mwenziwe kwa upande kidogo na si katika usawa wa mstari mmoja kama ifautavyo:

حَٰخِرٌ لَّكُمْ غَفُورًا رَّحِيمًا بِفَجْشَةٍ مُّبِينَةٍ عَذَابًا نُّكْرًا

Ni tofauti hali yake zinavyokuwa katika hukmu ya idhwhaar ambako zinapandiana moja juu ya mwenzake katika usawa wa mstari mmoja na si kwa upande kama ifuatavyo:

نَارًا حَامِيَةً وَرَقَةً إِلَّا كَرَّةً حَٰسِرَةً

Mifano ya إدغام كامل Idghaamu Kaamil

Tanbihi: Zingatia rangi katika jedwali mbili zifuatazo za إدغام كامل (Idghaamu kaamil) na إدغام ناقص (Idghaamu naaqisw) katika matamshi kwamba pale penye shaddah, herufi imekaririwa kutajwa katika herufi inayofuatia nuwn saakinah au tanwiyn bila ya kugawanywa, na kwamba pasipokuwa na shaddah herufi moja imebakishwa katika nuwn saakinah au tanwiyn na ya pili imetajwa katika herufi inayofuatia nuwn saakinah au tanwiyn.

Inavyotamkwa	Tanwiyn	Inavyotamkwa	Nuwn Saakinah	
yawmaidhi- nnaa'imah	يَوْمِيذِ نَاعِمَةٍ	wamannu- 'ammirhu	وَمِنْ نَعْمَرَةٍ	ن
yawmaidhi- mmusfirah	يَوْمِيذِ مُسْفِرَةٍ	mimmaalin	مِنْ مَالٍ	م
latadhkiratullil muttaqiyn	لَتَذَكِرَةٌ لِلْمُتَّقِينَ	mallam yazid- hu	مَنْ لَمْ يَزِدْهُ	ل
shaytwaanirrajiym	شَيْطَانٍ رَّجِيمٍ	mirrahmatihi	مِنْ رَّحْمَتِهِ	ر

إدغام ناقص Idghaamu Naaqisw (Pungufu)

Ni pale nuwn saakinah au tanwiyn inapokutana na herufi za و ي na ikaingia katika herufi ya pili inayofuatia kwa kuibakisha swiffah ya nuwn saakinah au tanwiyn ambayo ni ghunnah na ndio maana ikaitwa naaqisw hivyo basi herufi ya pili yake haitiwi shaddah.

Alama ya إِذْغَامٍ نَاقِصٍ (idghaamu naaqisw) katika nuwn saakinah ni kuondoshwa sukuwn katika nuwn na herufi ya pili yake haina shaddah. Alama ya إِذْغَامٍ نَاقِصٍ (Idghaamu naaqisw) katika tanwiyn ni kufuatiana *i'raab* mbili moja chini ya mwenzio kwa upande kidogo na kutoweka shaddah juu ya herufi inayofuatia kimaandishi. Ama kusoma ni lazima isomwe kwa shaddah.⁹.

Mifano ya إِذْغَامٍ نَاقِصٍ (Idghaamu naaqisw):

Inavyotamkwa	Tanwiyn	Inavyotamkwa	Nuwn saakinah	
tadhkirataw- wata'iyahaa	تَذْكِرَةٌ وَتَعِيهَا	maw-wujida ...	مَنْ وُجِدَ	و
khaasiaw- wahuwa	خَاسِيًا وَهُوَ	miw-waraqatin	مِنْ وَرَقَةٍ	
wayluy- yawmaidhin	وَيْلٌ يَوْمَئِذٍ	wamay- yattaqiLlaah	وَمَنْ يَتَّقِ اللَّهَ	ي
ghishaawatuw- walahum	غَشَاةٌ لَهُمْ	famay-ya-mal	فَمَنْ يَعْمَلْ	

Hitimisho la aina za Idghaam ni kama ifuatavyo:

إِذْغَامٌ كَامِلٌ بَغَيْرِ غُنَّةٍ Idghaamu kaamilin bighayri ghunnah: herufi zake ni ل ر

إِذْغَامٌ كَامِلٌ بَغُنَّةٍ Idghaamu kaamilin bighunnah: herufi zake ni ن م

إِذْغَامٌ نَاقِصٌ بَغُنَّةٍ Idghaamu naaqiswin bighunnah herufi zake ni و ي

⁹ Rejea tanbihi namba 146